

দাঁড়ালে তবেই।

লিখে রাখো এই সব কালো কালো দিন,  
চিনে রাখো ওই সব কালো কালো মুখ,  
জাতির মাথায় শয়তানের সঙ্গীন  
তবু দৃঢ় উন্নত রাখো হে চিবুক।

কোন কোন রাত চলে ক'বছর ধরে  
আতংকে- ত্রাসে থেমে থাকে যে সময়,  
কোন কোন দিন আসে ক'বছর পরে  
কখনো দানবকে জননী মনে হয়।

একদিন এই ছায়া উড়ে যাবে শেষে  
এ দানব পদানত হবেই হবেই,  
প্রতিবাদ-প্রতিরোধ পার হয়ে এসে  
প্রতিশোধে উঠে তুমি দাঁড়ালে তবেই।

“ফুল খেলবার দিন নয় অদ্য  
ধ্বংসের মুখোমুখী মুখোমুখী আমরা.....”।

৭ম ফেব্রুয়ারী ২০০৫